



## **ODLUKA**

**o korištenju sredstava reprezentacije u  
Centralnoj izbornoj komisiji Bosne i Hercegovine**

Na osnovu člana 18. Poslovnika Centralne izborne komisije Bosne i Hercegovine ("Službeni glasnik BiH", br. 50/07, 33/09, 24/13 i 32/14) i člana 11. Pravilnika o korištenju sredstava za reprezentaciju ("Službeni glasnik BiH", broj 26/14), Centralna izborna komisija Bosne i Hercegovine je na 88. sjednici održanoj dana 23.12.2014. godine donijela

**O D L U K U**  
**o korištenju sredstava reprezentacije u**  
**Centralnoj izbornoj komisiji Bosne i Hercegovine**

**Član 1.**  
**(Primjena)**

Ovom odlukom reguliše se pravo, uslovi i način korištenja sredstava za reprezentaciju u Centralnoj izbornoj komisiji Bosne i Hercegovine (u daljem tekstu: Centralna izborna komisija BiH), osobe sa pravom korištenja sredstava za reprezentaciju, iznos sredstava za reprezentaciju na godišnjem nivou, pravdanje troškova reprezentacije, kao i obaveze Centralne izborne komisije BiH u vezi sa korištenjem sredstava za reprezentaciju.

**Član 2.**  
**(Osobe s pravom korištenja reprezentacije)**

(1) Pravo na korištenje sredstava za reprezentaciju imaju predsjednik, članovi Centralne izborne komisije BiH i generalni sekretar Sekretarijata Centralne izborne komisije BiH.

(2) Izuzetno od stava (1) ovog člana predsjednik Centralne izborne komisije BiH može i drugim zaposlenim u Centralnoj izbornoj komisiji BiH dodjeliti pravo na korištenje sredstava za reprezentaciju, uz prethodni pisani zahtjev za odobrenje troškova interne i eksterne reprezentacije.

**Član 3.**  
**(Odobrenje)**

Troškove reprezentacije odobrava predsjednik ili član Centralne izborne komisije BiH ili generalni sekretar Sekretarijata Centralne izborne komisije BiH (u daljem tekstu: Sekretarijat).

**Član 4.**  
**(Maksimalan iznos sredstava reprezentacije na godišnjem nivou)**

(1) Maksimalan iznos sredstava za reprezentaciju u Centralnoj izbornoj komisiji BiH na godišnjem nivou utvrđuje se Budžetom Centralne izborne komisije BiH za tekuću godinu.

(2) Sredstva iz stava (1) ovog člana ne uključuju sredstva reprezentacije koja se finansiraju donatorskim sredstvima i realizuju kao programi posebne namjene.

**Član 5.**  
**(Visina reprezentacije)**

(1) Član Centralne izborne komisije BiH može samostalno raspolagati sredstvima reprezentacije u iznosu od 600 KM godišnje.

(2) Generalni sekretar Sekretarijata može raspolagati sredstvima reprezentacije u iznosu do 300 KM godišnje.

(3) Generalni sekretar Sekretarijata ovjerava i odobrava sredstva za nabavku robe za internu upotrebu ( kafe i sokova) za utrošak reprezentacije u vrijeme održavanja sjednica Centralne izborne komisije BiH do iznosa od 4.000 KM na godišnjem nivou.

(4) Izuzetno, za potrebe organizovanja sastanaka i treninga, konferencija i sl., sredstva za reprezentaciju se mogu koristiti i u većem iznosu, a prema odluci predsjednika Centralne izborne komisije BiH, odnosno osobe koju on ovlasti i u skladu sa ukupno raspoloživim sredstvima za te namjene.

**Član 6.**  
**(Pravdanje troškova reprezentacije)**

(1) Troškovi reprezentacije pravdaju se dostavljanjem uredne finansijske dokumentacije kojom se potvrđuje osnovanost nastanka troška iz člana 5. ove odluke.

(2) Račun reprezentacije treba biti propisno popunjen i ovjeren, te potpisan od strane korisnika reprezentacije iz člana 2. ove odluke koji je koristio reprezentaciju. Na poleđini računa sačinjava se kratka bilješka o korisniku reprezentacije, učesnicima i razlozima zbog kojih je postojala potreba za korištenje reprezentacije.

**Član 7.**  
**(Prekoračenje odobrenog iznosa)**

Za svako prekoračenje od odobrenog iznosa iz člana 5. ove odluke, troškove snosi korisnik. Naplata prekoračenja vrši se od korisnika kao obustava od plaće, a na osnovu sporazuma o saglasnosti izmirenja dugovanja, odnosno odgovarajućeg rješenja.

**Član 8.**  
**(Kontrola i praćenje troškova sredstava reprezentacije)**

Za kontrolu i praćenje troškova reprezentacije i izvještavanje članova Centralne izborne komisije BiH i generalnog sekretara Sekretarijata o potrošnji i raspoloživim sredstvima u Centralnoj izbornoj komisiji BiH zadužuje se Sektor za materijalno-finansijske poslove.

**Član 9.**  
**(Stupanje na snagu)**

Ova odluka stupa na snagu danom donošenja, a primjenjivat će se od 01.01.2015. godine.


**Član 10.**  
**(Prestanak primjene)**

Početak primjene ove odluke prestaje primjena Odluke o korištenju reprezentacije i o poklonima (prečišćen tekst) broj: 07-2-02-2-532/14 od 08.02.2007. godine i Odluka o izmjeni Odluke o korištenju reprezentacije i poklonima broj: 07-2-02-2-6055/10 od 22.12.2010. godine .

Broj:07-2-02-2-1538/14  
Sarajevo, 23.12.2014.godine

Dostavljeno:

1. Odsjek za materijalno-finansijske poslove
2. a/a



Bredsjednik  
*Stjepan Mikić*  
Stjepan Mikić



Na osnovu člana 18. Poslovnika Centralne izborne komisije Bosne i Hercegovine ("Službeni glasnik BiH", br. 50/07, 33/09, 24/13 i 32/14) i člana 11. Pravilnika o korištenju sredstava za reprezentaciju ("Službeni glasnik BiH", broj 26/14 i 78/45), Centralna izborna komisija Bosne i Hercegovine je na 59. sjednici održanoj dana 12.11.2015. godine donijela

**ODLUKU**  
**o izmjeni i dopunama Odluke o korištenju sredstava reprezentacije u**  
**Centralnoj izbornoj komisiji Bosne i Hercegovine**

**Član 1.**

U Odluci o korištenju sredstava reprezentacije u Centralnoj izbornoj komisiji Bosne i Hercegovine broj: 07-2-02-2-1538/14 od 23.12.2014. godine u članu 5. u stavu (1) iza riječi: „reprezentacije“ dodaju se riječi: „**na godišnjem nivou**“, a riječ: „godišnje“ se briše.

U stavu (2) iza riječi: „reprezentacije“ dodaju se riječi: „**na godišnjem nivou**“, a riječ: „godišnje“ se briše.

**Član 2.**

Član 8. mijenja se i glasi:

„Član 8.

Kontrolu i praćenje troškova **raspoloživog godišnjeg** iznosa reprezentacije i **tromjesečno** izvještavanje članova Centralne izborne komisije BiH i generalnog sekretara Sekretarijata o potrošnji i raspoloživim sredstvima u Centralnoj izbornoj komisiji BiH **vrši** Sektor za materijalno-finansijske poslove.“


**Član 3.**

Ova odluka stupa na snagu danom donošenja, a primjenjivat će se od narednog dana od njenog donošenja.

Broj:07-2-02-2-1538 -2/14  
Sarajevo, 12.11.2015.godine

Dostavljeno:

1. Odsjek za materijalno-finansijske poslove
2. a/a



Predsjednik

Dr. Ahmet Sanić